

清
宣
統
朝
外
交
史
稿

三
卷
閏
中
夕
正
月
八
夕
上
卷
二
十
二
冊

清宣統朝外交史料卷二十二 宣統三年閏六月下至八月上

目錄

魯撫孫寶琦咨外部擬訂收回德商鑛權合同請核覆文 附照會暨合

同閏六月初八日

使俄薩蔭圖致外部丞參報與陸使商議俄約事函 初九日

魯撫孫寶琦咨外部與華德鑛務公司議結收回鑛權文 十一日

英使朱邇典致外部鈔送英國華茶商董致倫貝子函 附鈔件 十三日

外部致陳昭常俄領署設馬隊恐他國藉口希磋商電 十四日

吉撫陳昭常致外部俄請於延吉埠外設領署乞峻拒電 十七日

滇督李經羲致內閣滇路收歸國有請旨飭下迅議電 十七日

日使伊集院致外部圖們江運出木材敝國政府允許通融辦理照

吉會十八日

湘撫楊文鼎致郵部查明湘路收支各款實數電二十日

新撫袁大化致外部日人游歷于闐不呈驗護照乞詰日使調回電

廿二十六日

使俄薩蔭圖致外部丞參英日第三次修改同盟條約已在倫敦畫

押函二十七日

度支部奏核議江督奏請以輕息借款還重息借款應由該督先行

交該省諮議局議決摺二十八日

外部致伊集院吉撫電稱圖長公司木材已裝運出口轉達感忱函

七月初一日

外部奏分省禁運印度洋藥先擇成效最著數省與英使商定辦理

摺附條件附件並照會三件初二日

俄使廓致外部華商運貨請勿路過俄境照會初五日

鄂督瑞澂咨外部美孚行在宜昌城內售賣貨物與約不符請照覆

美使飭辦文十三日

外度商三部奏議結滇省隆興公司鑛案取銷原訂合同摺十四日

外部咨稅務處及甘督長庚甘肅受三聯單影響收稅寥寥希飭津

海關整頓文十六日

和使貝致外部准照稱陸徵祥調使俄國劉鏡人使和已轉達文十

九日

吉撫陳昭常致外部圖們江設渡事已飭查遵辦電二十四日

使美張蔭棠致外部墨西哥菜苑華人被害墨總統允緝兇賠償電

二十四日

東督趙爾巽致外部中日議定京奉鐵路協約文附協約八月初二日

外部致粵督張鳴岐德外部允改華工苛例請准在粵先招一批電

初三日

郵部奏展築京奉路線磋商就緒議定辦法摺初六日

郵部奏查明湘鄂路工暨股捐各款情形摺初六日

英使朱邇典致外部繕送中英在奉議訂英美煙公司納稅辦法照

會附照會及章程初六日

奉天交涉使許鼎霖呈外部丞參日人在鴨綠江造橋日領援滿洲

里辦法應否照准請示函

初八日

義使斯致外部義士不得已交戰請查照照會

初十日

粵督張鳴岐奏詳陳廣東息借洋款情形摺

十一日

外部覆義使斯義士宣戰緣由業已閱悉照會

十二日

理藩部咨各路將軍大臣義士交戰希飭遵守中立電

十八日

外部咨稅務處日使請勘瓜州至清江浦水標希飭會勘文

十八日

使日汪大燮致外部義士戰事日諭臣民嚴守中立電

十九日

4

[Faint, illegible text columns within a rectangular border]

清宣統朝外交史料卷二十二

黃巖弢夫王彥威輯

男希隱亮編

孫孝章敬立校

魯撫孫寶琦咨外部擬訂收回德商鑛權合同請核覆

文 附照會暨合同

爲咨呈事案據調補奉天勸業道蕭應椿會同候補道余則達詳稱竊照東省自膠濟路成德商鑛務公司照約在坊子馬莊開鑛兩處屢禁華人在附近開鑛爭執有年迨津浦借款合同簽定又要索膠沂津浦路內鑛權並請封禁大汶口華鑛迭蒙外務部及憲臺始終堅持密圖

補救於是德使照會始有劃清鑛權之語上年十月間我憲臺即本此
意諭令職道應椿與該公司悉心磋商遵即參考歷年鑛務交涉統籌
東省鑛產全局酌擬大概辦法四款略謂該公司除現辦之坊子馬莊
兩處煤鑛及未辦之金嶺鎮鐵鑛外其餘各路線內鑛權均行取消有
酌償給從前勘鑛購地費及東省日後開鑛如借款用人購機器均先
儘德國致書德領事說之以事理動之以輿情囑與公司婉商並稟蒙
憲臺函達外務部奉十一月庚電開鑛務辦法四款蓋籌極佩應飭該
道照此與議如議有眉目再行咨部核定等因嗣因公赴青島晤該公
司總辦畢象賢彼此問答剴切陳說宣布朝廷德意傳述憲臺命令畢
象賢頗爲感動旋據德領事貝斯函送公司節略三款在彼雖有退讓

在我仍多妨損此後屢經談判筆舌幾窮始將大綱議定其餘細節尙待磋商均經職道應椿稟呈鈞鑒在案本年四月杪交卸勸業道本任復蒙憲臺溫諭有加殷殷慰勉旋奉劄飭將此案一手經理議結並檄委職道則達會同辦理竊維此案在我以收回三路鑛權爲最要之著利害棄取要在權其輕重且彼亦必須以相當之利益互換所議始克有成謹將數月以來磋商爲難情形爲我憲臺縷陳之一淄博鑛界爲該公司所最注重淄博鑛產豐饒公司第一次繪送鑛界圖係淄川全境並毗連博山職道應椿深知淄博窮黎向以挖煤爲衣食若兩境全爲公司所有勢必至華民無以爲生因議博境全留淄境各半以天台崑崙兩山爲界山北歸公司山南歸華人公司未允因親赴淄川會同

畢象賢查勘並邀集紳董鑛商詢以何處宜存何方可舍僉謂南境鑛產多佳貧民所賴只求酌爲留出等語旋議定淄川東南境由大奎山起斜線經龍口鎮西北至淄川東境爲界南鑛產歸華商辦理博山亦全行讓還一淄川華鑛該公司爲專利起見請將劃入界內華鑛全行封禁查淄川全境旣經劃界則各辦各鑛凡淄川南境及博山境內已開之鑛可永遠保全未開之鑛亦足敷開採質之該紳商等咸謂此次去瘠留腴爲初念所不及其北境附近洋鑛者久無人開稍遠者雖有小鑛數處夏令水大不禁自停因議定此後界內小鑛不令重開以杜爭執一濰縣鑛界公司繪送濰縣一圖將昌樂縣之荆山窪安邱縣之西北境劃入圖內當經致函詰問一面派員測勘旋據函覆謂坊子

鑛脈與昌樂安邱連絡斷不能分割且全在三十里路線內等語查荆山窪鑛地當光緒二十九年該公司迭請禁華人在該處開鑛經前憲臺周馥飭縣封禁有案公司早已據爲己有華人至今未能再開且確在三十里路線內距坊子洋鑛十里勢難爭回該公司情願讓出安邱西北境以易荆山窪似可照允一金嶺鎮鐵鑛公司前曾探苗現尙未開意欲開辦時兼辦鐵廠查開設鐵廠屬於製造有背約章斷難照准如公司獨辦則須移設於青島公司亦不允嗣議定中國如願在該鑛附近創設鐵廠亦可合股辦理言外如中國不願創設則公司不能獨辦隱施限制一償給勘鑛購地費公司前在膠沂膠濟路內勘鑛多次蘭山郟城兩縣購地一千五百餘畝索償其費用二十八萬餘元再四

磋商讓至二十一萬元不肯再減因與議定以一年爲限分兩期付給其餘各條無大出入均與一律議明於是公司允已成之膠濟鐵路未成之津浦鐵路甫勘之膠沂鐵路凡曹州教案條約許與公司之三十里鑛權均行取消職道等酌擬條款五案先請憲臺鑒核俯准諭令照辦隨卽繕就華德文各四份並繪鑛界圖四份每份四張於六月二十九日職道等與德領事貝斯德公司畢象賢簽字畫押並據該領事函稱斯美德請假回國是以未能簽字畢象賢代山東鑛務公司有獨自簽字正當之權斯美德自無庸簽字等語統觀全案公司之所取者濰淄金嶺三處而仍不越路線三十里範圍我之所取者三路鑛權從此收回職道等所謂利害棄取當權其輕重者指此是皆仰賴外務部主

持於內我憲臺籌畫於外指授機宜始克將東省已失之利權大半挽回和平議結惟查此案係德使發起照會外務部咨行東省遵辦茲既辦結擬懇憲臺咨請外務部查核奏明並照會德使以符原案謹呈簽字華德文條款及鑛界圖各二份以一份存憲署以一份請咨送外務部其餘二份歸德領事與鑛務公司收執並照繕華文條款一份乞分咨農工商部備案至償款二十一萬元數鉅期迫且在本省預算案之外可否奏請飭下度支部撥指的款以濟要需而免貽誤之處伏乞鈞裁蘭郟兩縣地畝應請檄飭勸業道童道飭縣收回具報除將職道應椿交卸以後往返函牘移交童道存案外所有遵飭與德商鑛務公司議結收回各鑛權一案簽定條款並繪具鑛界圖緣由理合詳請鑒核

批示祇遵實爲公便再職道前遵諭在條款之末載明倘日後他國在中國辦鑛者皆認遵中國鑛務新章公司亦一體承認等語據德領事與該公司稱如華鑛章與德鑛章大略相符自應遵守惟此係兩國國家行政未便載入條款應俟此案辦結後由憲臺照會領事轉稟公使核辦等語合併陳明等情到本部院據此除詳批示並分咨外相應咨呈鈞部謹請查核辦理見覆施行閏六月初八日鑛務檔

附外務部致德國公使照會

爲照會事案查山東省各鐵路路線內之開鑛權前准雷前大臣來照聲明極願隨時劃清經本部咨行山東巡撫與德領事商辦並於上年十二月間照覆雷前大臣在案茲准山東巡撫咨稱此案經飭

調補奉天勸業道蕭應椿山東候補道余則達與華德鑛務公司將該鑛權會同劃清商定辦法各款繕就華德文各四份並繪界圖四份於六月二十九日與德領事貝斯德公司畢象賢簽字畫押請照會德國駐京大臣等因暨華德文條款並鑛界圖附送前來本部查閱所訂各辦法均皆妥協業經彼此訂定會同簽字畫押自無異議相應鈔錄合同照會貴大臣查照備案並見覆可也閏六月十六日

中德收回山東省各路鑛權合同

爲訂立條款事今山東官府與華德鑛務公司將山東省各鐵路路線內鑛權會同劃清商定辦法彼此議定各款如下

第一款 一山東鑛務公司議定坊子鑛場與淄川縣鑛場暨自金嶺

鎮沿膠濟鐵路迤北三十里至張店止爲鑛務公司獨自留辦之鑛界

二鑛務公司指明自辦之鑛界另繪詳細圖考爲此合同以內之要據凡指定鑛界以內之鑛產歸鑛務公司獨自開辦華人不得在此開採

三除此次劃歸鑛務公司自辦之鑛產外凡中國從前允許鑛務公司已辦之膠濟鐵路未成之津浦鐵路暨甫勘之膠沂鐵路所有沿路兩旁之三十里鑛權均行取消

四淄博兩縣原在三十里鑛權以內公司本擬全行留辦茲因格外敦睦願將博山鑛產全行讓還其淄川鑛場南境由大奎山起斜線

經龍口鎮西北至淄川東境止所有鑛地亦讓歸華商自由開辦其餘照第一款均公司鑛界

五濰縣坊子鑛場按三十里路線昌樂安邱兩縣境亦有毗連今公司情願讓出安邱之西北境以昭睦誼其昌樂荆山窪鑛產距坊子鑛直線十里仍歸公司

六東省官府與鑛務公司劃清鑛界繪圖四張如下

甲 淄川暨金嶺鎮至張店鑛界圖

乙 淄川鑛界南線圖

丙 濰縣昌樂境內鑛界圖

丁 劃分鑛界總圖

第二款 一沿膠濟鐵路內章邱淄博三縣凡鑛務公司歸還鑛界內西歷一千九百二十年以前暫不准華人開最大之鑛過限聽中國官商自便

二鑛務公司鑛界內凡現尙開採之華井應俟此合同呈經中德兩政府允准用正式公文互換之後限一月以內一律停止

三鑛務公司開採各鑛中國官員仍照光緒二十六年即西歷一千九百年簽訂鑛務章程切實保護

四今次讓還鑛界內中國官商開鑛倘若資本不足應向德國借用若用外國物料機器須用德國所產聘用外國工師須聘用德人

第三款 鑛務公司從前履勘鑛產查定界址購買地畝各費中國允

認償給鷹洋二十一萬元以合同簽字之日起限一年內分兩期付
清合同簽字後鑛務公司即將勘鑛圖考說略並所買地畝均交還
中國

第四款 金嶺鎮鐵鑛應照二十六年鑛章辦理中國如願在該鑛附
近創設鐵廠亦可合股興辦約股在五十萬兩之譜屆時另定詳細
章程

此合同照繕華德文各四份彼此校對語意相符並繪鑛界圖各四
份分別存送以憑遵守

大清國留辦劃收鑛界事宜調補奉天勸業道蕭 委辦劃收鑛界事
宜山東即補道余

大德國總辦華德鑛務公司畢斯大德國駐濟領事官貝

宣統三年六月二十九日西歷一千九百十一年七月二十四號

使俄薩蔭圖致外部丞參報與陸使商議俄約事函

中俄修改商約前經大部奏派陸子興星使來俄會議並飭蔭會同與議此事於商務前途關係至鉅蔭自當與子使詳細商權務期盡善以副大部鄭重商約之至意子使抵俄後出示說帖節略等件籌畫一切至爲周密復經列堂斟酌損益尤見精詳將來開議時抱定宗旨相機磋商仍當會同子使隨時請示遵行十二日蔭偕子使往晤署外部尼拉篤甫據稱俄皇現巡遊海面須下月初方歸屆時當請定期覲見首相斯篤列賓現亦出遊所有議約專員須與首相商酌方能派定等語

蔭晤俄廷大禮官亦稱俄七月二十號左右俄皇還彼得霍甫離宮當可覲見云近適有俄皇叔祖母之喪(公斯當丁親王之母)十七十八兩日在森都教堂舉行殯禮俄皇乘舟還森禮畢即行仍往波羅的海等處子使現擬俟覲見後赴海牙換約日內與蔭正在商權議約事宜餘容續布敬祈代回邸堂各憲是幸閏六月初九日商約檔

魯撫孫寶琦咨外部與華德鑛務公司議結收回鑛權

文

爲咨呈事案據調補奉天勸業道蕭道應椿會同候補道余道則達詳稱竊照職道等現與華德鑛務公司議結收回鑛權簽訂條款業經詳請憲臺核咨在案茲據該公司函稱按宣統三年六月二十九日即西

歷一千九百十一年七月二十四號山東官府與山東鑛務公司議定
劃清沿山東各鐵路路線內鑛務條款第三款中國允認將鑛務公司
從前履勘鑛產查定界址購買地畝各費償給鷹洋二十一萬元以合
同簽字之日起限一年內分兩期付清等語至於該兩期暨付清辦法
敝公司擬請定明於左一宣統三年十一月十三日即西歷一千九百
十二年正月一號爲第一期宣統四年五月十七日即西歷一千九百
十二年七月一號爲第二期每期付鷹洋十萬零五千元如數繳濟南
德華銀行二若中國政府於該兩期付清以前將當下通行之鷹洋幣
改爲國幣須以此項國幣照付以上兩項山東官府能否照辦卽希貴
道查照見覆是荷等情據此查該公司所稱付款之期一在本年十一

月一在來年五月似應照准至條款所載付給鷹洋一節將來國幣施行我自不便仍付鷹洋自紊幣制但國幣與鷹洋重量倘有不同或盈或絀應俟屆時扣算以昭公允除將此意函覆該公司查照外理合詳請憲臺鑒核批示並咨明

外務
農工商

部查照實爲公便等情到本部院據

此除詳批示並分別咨行外相應咨呈鈞部謹請查照施行

閏六月十一
日鑄移檔

英使朱邇典致外部鈔送英國華茶商董致倫貝子函

敬啟者前在部面談囑將送致倫貝子華茶商會總董之函照鈔送閱等語茲已繕妥並英文送上即希貴部查照可也朱邇典啟

閏六月十三
日商務檔

照錄致倫貝子函稿

逕啟者現有本國華茶商會總董英商士立上駐英劉大臣書譯呈

貴貝子查閱函內略將創設之意解明及若能妥協擴充所辦之事
中國將得之利益詳爲陳述竊思貴貝子素抱推廣中國實業之懷
本爲人所共知以故確信該函必蒙樂觀而玩索焉崑此佈達順頌
爵祺朱邇典啟附鈔華英文各一件閏六月十三日

照譯英國華茶商會總董致駐英劉大臣函

敬啟者日前與貴大臣面談之件茲特續將本會設立五年以來之
進境並思慮所及應如何方使本國復行樂用華茶之法撮要略陳
查本會創設之初本極微末其時華茶在倫敦銷售幾有見棄之勢
本會漸使用茶之家仍復樂用迨上年在英銷售之數已比前年確
增百分之二十五較千九百五年幾乎多銷加倍有餘本會最爲出

力之處係在英國本境各處勸導零售之戶擴充生意其勸導之法令將華茶標本及傳單等件送往各處首戶而贈送醫士者尤爲特別並囑各鋪於牕間多掛大張廣告及本會所發華茶上好純淨之執照以便招徠此項執照已發布一千餘張今英國本境各鎮市不見一二張或多張者甚屬鮮少凡經過倫敦及其他大城之客不能熟視無睹此項傳單及明信片索取者日多一日更盼於新茶成熟之際能將傳單徧布英國各處此時已在多數市鎮特設展覽會及演說之舉以本會有限之資協助之總之華茶全體貿易無論大宗零售均多有請爲出力索款者具見襄助各該處擴充發出廣告之費以及鼓勵食品雜貨鋪賽會之獎牌鋪東及經理之人於售賣時

多有興致是爲最要之端近日雖印度與錫蘭出售茶葉之廣告多而且廣然該處新報於本會頗體恤之惟各報經理對於此事欲博相助真實之酬謝本會所有之總款折中計算每年未過一千二百鎊之數約合華銀一萬兩以成前功而商戰之印度錫蘭茶葉各會能於每年之內以一萬或二萬鎊之鉅款多半專作抵牾本會之舉本會所獲之效皆由經理撙節而得本會所難者不知將恃何款以資接濟耳夫此等義舉如興復退化之農業然必須接續前進終不間斷方能有成若中國政府洞悉在英復興華茶爲要務及承認已辦之舉則必不忍坐視此舉困乏將伯由衰弱而底於滅亡自當優予捐助之款用作本會將來五年之需以便竭力擴充本總董更有

請爲注意者此時正有詳順之時機蓋倫敦市面數月以來各種茶價均皆增漲且業茶專家以爲刻下所加之市價不但能以長存尙可再增是中國政府此項捐助之款將來能由茶葉出口貿易暢旺上從而取償同時甚盼中央政府由農工商部於勸令各省種戶改良茶質之舉始終堅持不懈現在倫敦市面於華茶所求者無他僅祇供給加好之茶而已果欲達其目的必須於培肥料刈樹枝採茶葉三事加之意焉並將茶葉詳爲挑選方免有若許茶莖之弊且須於上等茶葉未裝大包之前先裝小包以免茶質變劣蓋引人樂用華茶最要之故即其中所含之香氣也至於各處所產次茶則利用機器炮製以期預備迅速其效果在於能與英屬所產茶葉之濃釀

有所相近即多數飲茶者所嗜最厚之味也其製法可由中國政府
管理之製造局試行之據配合廉價茶葉最大之行以爲若將下等
茶葉如此炮製足成與錫蘭之商戰其特別原由係因該島近種橡
皮以故產茶減少將有日下之勢鄙意以爲須將華茶出口之稅革
除方能與印度錫蘭獲平等正當競爭之利查印度錫蘭茶葉貿易
組織最爲周密而華茶貿易則仍照英屬所產之茶未入英國以前
之法而行是非獎勵華民出資改良茶質並在外洋市面推廣售賣
事宜不可否則華茶貿易不過於印錫各茶供不足求之際濫竽充
數而已如將出口稅款撥充教育種茶製茶之費並教以如何方能
使外洋人士咸能樂購之法並詳酌撥作在外洋市面發布告之用

猶如印度錫蘭之法則雖留出口稅亦爲有益本總董深信有見識
華商洋商若得中國給予滿足之獎勵必能置華茶商會於堅固基
礎之上以期將本國曩者樂用中國出品之情從此興復俾本會於
商務戰場得以昭示勇敢之概當此稱頌英屬所產之茶與夫有礙
華茶極多之廣告登於由印度錫蘭茶會補助之英國各報之時足
徵若非設法抵抗則華茶貿易必受最鉅之損害而印錫茶葉反享
其益也謹陳梗概伏祈鑒察施行爲幸中國茶葉總董英人士立謹

啟三月十四日

外部致陳昭常俄領署設馬隊恐他國藉口希磋商電
申支電悉領署附設馬隊向無成例延吉條約並允日領設巡警一二

名究與馬隊不同來電既謂日領於此事頗加注意如允俄設馬隊即使限制名數仍恐他國藉口究竟該道與俄領商至如何地步希本此意轉飭就近設法磋商並隨時電部核辦外務部寒

閏六月十四日
延吉邊務檔

吉撫陳昭常致外部俄請於延吉埠外設領署乞峻拒

電

洪密前據東南路道電稱新派駐延俄副領事議在延吉租地建造領署藉口商埠地勢卑下請於埠外高原之處建築領署等情當以延吉埠界早經勘定宣布埠界以外即屬內地所指之處早建公園未便允其設署且埠地並不卑溼日領設館已久向無異議俄領館何得獨異電飭該道婉言駁拒去後茲復據該道電稱該領仍請將埠地展拓並

已將上項要求電彼公使云云查延吉係我自開商埠界址早行勘定未便令人破壞俄使如果提議務乞鈞部主持峻拒以保主權而維埠務爲禱昭常謹肅篠六月十七日延吉邊務檔

滇督李經羲呈內閣滇路收歸國有請旨飭下迅議電內閣總辦協理大臣鈞鑒申滇黔必一面籌辦交通一面振興實業交通告成實業萌動兩極相需兩不相待舍此窮邊無起死回生之術朝廷無長駕遠馭之方明者皆知無待贅瀆滇人以英蹙於西法侵於南越路先成又直貫中心知非自謀路策不救竭力籌維經營數年事雖難成志則甚苦經羲蒞滇力贊而開明之滇人諒經羲之心於是正紳陳榮昌等暨京官均有收歸國有之請滇蜀遲而滇桂速將來由桂接

通粵漢早成一 大幹路國家收湘粵桂黔四省於堂奧兵謀餉計悉出於此較之僅通滇蜀再議黔桂枝節而爲實操勝算果使粵漢盡通滇蜀又多一路使幹路雙包環接視力所至亦足與始計相維經義於是 有國有先營滇桂之奏紳士疊次所請則仰蒙朝廷鑒許經義專奏則 交部議准業經派勘近則內閣議覆經義電奏允准借款興修徒以隆 興毀議事成中擱滇人責經義籌措無方反致閣部延待不能速行計 畫勢將兩誤滇京官議員聞亦以此呈請於朝大意均謂滇路請歸國 有輸誠居天下先今粵漢川漢迭奉明詔而滇路爲幹爲支未經議定 政策宣布宸謨衆情無不遑迫前此建議諸紳深受士民責問且幹支 不定滇人不能就已集股款專力以營商辦事業糧股一項受虧已深

亦不能與川湘人民同邀恩免均無以安邊心而鑿愚望懇請電奏交
議請旨前來經義諭以滇路既經閣部議勘議款滇人請歸國有又奉
俞允在前郵傳部盛大臣議覆幹路收歸國有奏中極言滇路當辦謀
邊宜急是以認爲幹路引爲部責奏奉詔旨更有顧念邊局之明文何
可因經義籌議無功遂生他慮該紳民等仍復再三瀝陳謂既皆曉然
於心而辦理實有爲難朝廷廣布仁施當蒙俯鑒下忱明旨宣布俾一
切賴有解決經義察其詞意懇迫事關邊計輿情當非懷疑妄瀆用敢
據實懇恩飭下內閣迅速核議請旨定奪早賜宣示至籌款辦理實業
查與路政鑛約兩事均有密切關繫紳民並以爲懇容經義悉心籌議

另奏詳陳懇切待命敬乞代奏經義閏六月十七日滇桂鐵路檔

日使伊集院致外部圖們江運出木材敝國政府允許

通融辦理照會

爲照會事圖長公司所屬輪船欲在圖們江岸朝鮮界內搬出木材曾被日本官吏禁止一節以本件係該材木商不知其情誤將木材停放朝鮮界內欲以此事轉達敝國政府擬以此次業經停放朝鮮界內之木材爲限特別准其轉出貴部所依賴原係如此當即據情轉稟敝國政府後復電請訓示在案茲據敝國政府回電如左

本件木材之裝運屬於非通商埠之貿易行爲須在清津港爲相當之手續是以慶興稅關監視所長以之曉諭該關繫者然此中事情亦不無可原諒之處故帝國政府決定應中國政府之希望已飭由

朝鮮總督訓知該稅關長以此次爲限不必履行稅關手續准以此案之木材運往上海由本件之經過各情觀之或係出於言語上之障礙即如電文所稱亦係諭令在清津港爲相當手續該關繫者未能十分了然所致總之本件敝國政府應貴國政府之希望以此次爲限特別通融辦理對於敝國各該官吏亦已發有訓令希卽轉諭該關繫商人爲盼爲此相應照會貴部查照可也閏六月十八日行船檔

湘撫楊文鼎致郵部查明湘路收支各款實數電

郵傳部鑒洪頃據委查湘路公司王道銘忠稟遵查公司自光緒三十一年開辦之日起扣至本年五月二十日止入款計收米捐九十六萬四千六百八十七兩零鹽斤加價六十一萬四千四百二十七兩衡永

寶溢銷湘釐六十七萬二千二百五十三兩零租股九十萬五千九百八十兩零優先股一百五十萬六千七十九兩零房薪股在內三佛餘利三十萬四千九百二十一兩零又廣東幹路售價又月息存款雜項存款共三十八萬二千八百四兩零以上統共收銀五百三十五萬八百五十三兩零出款計付贖路借款并金元小票息銀三百八十六萬七千四百九十八兩零造路購料一百七十萬六千三百八十一兩零車輛機器三十九萬四千五百二十六兩零勘路費員司薪水股息滙費酬資學堂經費各項雜支六十六萬三千七百三十一兩零以上統共支銀五百六十三萬二千一百三十七兩零出入相抵實不敷銀二十八萬一千二百八十三兩零計已成之路長株一段長一百五里填

築北門外大站廠地面積約十五里已購未造之路長岳間一段三十里洙柳間一段三十里車站廠屋橋梁碼頭礮岸均在造路款內現存材料值銀四十七萬三千二百五十八兩零除細數另造清冊由郵咨達外謹先電陳文鼎閏六月二十日粵漢鐵路檔

新撫袁大化致外部日人游歷于閩不呈驗護照乞詰

日使調回電

申頃據喀什袁道電稱據于閩縣報日本游歷橋瑞超不呈驗護照欲由縣屬普羅山假道出英游歷該縣以山徑溢塞人跡罕到勸阻不聽竟至該處強拉駝馬勒派民夫購運糧料前往開通該縣據報照約往阻恐難就緒等情查該游歷到境不將護照呈驗已屬不合乃竟強拉

駝馬勒派民夫將於縣屬普羅山久塞通英邊界山路擅自開通尤屬
謬妄除飭設法勸阻改由大道行走外懇請轉電鈞部照會日使將其
調回免釀事故等語查游歷以護照爲憑橋瑞超既不呈驗又不聽阻
強拉駝馬勒派民夫擅開久塞通英邊界山路意欲何爲除電該道設
法勸阻外乞照日使迅即調回免生事端如果不聽究應如何辦理請
先電示遵行大化肅敬聞六月二十六日游歷檔

使俄薩蔭圖致外部丞參英日第二次修改同盟條約
已在倫敦畫押函

英日第二次修改同盟條約於中歷六月十八日即俄六月三十號在
倫敦畫押查第一次原訂條約在一千九百零二年其時日本方與我

競爭乃先與歐洲先進國聯盟以免孤立無援之患第二次修改條約在一千九百零五年其時日俄戰事將終日在朝鮮英在印度均與俄有密切關繫約中第二款之攻守相助第三款之日本在朝鮮特別權利第四款之英在印度邊境自由舉動其用意皆灼然可知至近年來日本已併朝鮮英俄邦交亦漸親密而英與美又訂立仲裁條約今昔情勢迥乎不同故此英日續修同盟條約特將第三款第四款全行刪除而將舊約第二款亦加修改

舊約第二款原係兩訂約國中之甲國如與其他一國或數國戰爭乙國當出兵相助現改爲

如甲國與第三國訂有仲裁條約至乙國與第三國開戰時甲國不必幫助蓋以英與美訂有仲裁條約故也此款新約中列第四全約面目爲之一變

惟保持在中國之商權及尊重中國獨立及領土完全一節仍爲約中重要之款其注意於中國固今昔不殊也此約宣布後俄京言報於六

月二十三日登載全文並表示其歡迎之意大旨謂此約與全世界和平之局裨益良多又謂此約足證英俄親密有加彼此無庸疑忌云該報全文已譯入夏季報告中月內當即彙寄因與所駐國有間接關係特先舉要函陳即乞代回邸堂各憲是幸蔭圖閏六月二十七日各國協約檔

度支部奏核議江督奏請以輕息借款還重息借款應
由該督先行交該省諮議局議決摺

度支部奏爲遵旨迅速查明議奏恭摺仰祈聖鑒事宣統三年閏六月二十四日奉旨張人駿電奏江南財政危急情形請以輕息議借五百萬兩將兩次重息借款一律還清等語著度支部迅速查明議奏欽此欽遵由內閣鈔交到部原電奏內稱寧省上年維持市面蒙准借洋款

三百萬兩七釐行息又光緒三十四年江北災賑借正金銀行一百萬兩八釐行息已還五十萬現尙欠五十萬寧省財政困竭平時已入不敷出乃遽負此三百餘萬短期重息之債而抵款又皆本省行政之需其竭蹶自較平時爲更甚况歷年以來補助創辦各項實業如大生紗廠印刷廠電燈廠寧省鐵路雲南銅本贛州銅鑛阜寧煤鑛等抽借一百數十萬亦無非將行政之款挪爲實業之用是因市面及實業而行政受其影響加以年來海軍處經費預備檢閱秋操建造兵房以及新政調查局等經費賑饑平糶勸業會虧耗等項約增支銀一百六十七萬需款鉅而待支迫行政固已不敷而每年須備還款七十餘萬元無可籌措屆期不付失信外人更恐別生枝節據寧藩司詳稱惟有先將

重息短期之洋款設法全還並酌籌餘款以抵歷年維持市面補助實業之款使洋債不致失信市面實業不致搖動而行政亦不致墮壞庶幾稍紓喘息然去年借款專爲維持市面現在元氣未復借款之流存市面者尙多若一旦悉數提還則恐慌更甚而歷年補助創辦之實業一經抽本危險尤多急切既不敢收回籌借又無良策查湖北省因歷年借欠洋債請借輕息還重息借長期還短期業已奏咨允准江南情勢相同擬請以輕息議借五百萬兩將兩次借款一律還清稍有所餘以抵市面及實業不便抽回之款如蒙照辦現已探有五釐週息十五年期限之的款可借每年仍以財政公所之行政費鄂湘贛皖四岸收回復價八成鹽釐江南要政鹽飭加價等項的款作抵無須另籌目前

之艱難稍濟逐年之擔負亦稍輕如蒙允准並請欽遵度支郵傳兩部
借款案所奉諭旨俟資政院常年會交議追認等語臣等伏查上年九
月間兩江總督因維持市面奏借洋款三百萬兩當奉特旨允准在案
市面暫時恐慌由公家借款接濟市面平靖自應作速歸還蓋付款以
便流通並非給資以彌虧空前項維持市面之款究竟放給何人爲時
已久似不得仍以元氣未復爲言久令公家受累此次該督以前項洋
款流存市面尙多悉數提還恐慌更甚又以該省光緒三十四年江北
災賑所借正金銀行一百萬兩除還尙欠五十萬兩並歷陳該省財政
困竭情形擬以輕息借五百萬兩將兩次借款一律還清以所餘抵市
面及實業不便抽回之款借輕息還重息在該督未始不極意籌維然

展轉套搭使暫時維持之款變爲常年虧累爲數又復加鉅近來各省每因財政支絀輒假借外資爲取給目前之計揆之理財原則殊多不合惟該督迫切電陳並援湖北借款還債辦法似亦必不得已之舉查湖北新借之款未逾舊欠之數事前又經臣部電令交諮議局議決此次該省擬借款項亦屬地方公債應令照章由該督先行交該省諮議局議決再行核辦所有遵議緣由理合恭摺具陳伏乞皇上聖鑒謹奏
宣統三年閏六月二十八日奉旨依議欽此借款檔

外部致伊集院吉撫電稱圖長公司木材已裝運出口

轉達感忱函

逕啟者圖長公司在圖門江運木一事前准照覆以此次業經停放朝

鮮界內之木材已接貴國政府回電特別通融以此次爲限准其運往上海等因當經本部電達吉林巡撫去後茲准該撫覆稱圖長公司此次停放朝鮮界內之木共有四千餘根已諭令陸續裝運出口應請代達感忱等語相應轉達貴大臣查照專此順頌日祉

七月初一日行船檔

外部奏分省禁運印度洋藥先擇成效最著數省與英

使商定辦理摺

附條件附件並照會三件

外務部奏爲分省禁運印度洋藥先擇禁煙成效最著數省與駐京英國使臣商定辦理恭摺仰祈聖鑒事竊查本年四月初十日中英續訂禁煙條件第三條內載無論何省土藥已經絕種他省土藥亦禁運入顯有確據則印藥即亦不准進入該省等語條件簽押後當經臣部電

達禁煙成績較著之各省督撫令體察情形據實聲覆以憑分別商辦
禁運嗣據陸續電覆如奉天吉林黑龍江山西四川各省均據稱土藥
早經禁種迭次委員履查煙苗一律淨盡鄰省土藥亦均嚴禁入境四
川則禁他省土藥入境並禁本省土藥出境以上數省洵屬成效最著
既據各該督撫確實報告訪諸輿論亦信而有徵隨經臣部照會駐京
英國使臣請按照條件禁止印藥運入各該省茲已據該使臣照覆認
可除俟酌定禁運日期刊登官報廣告周知外應請旨飭下各該省督
撫凡業經禁絕種煙之地仍隨時查勘永遠不得復種業經禁運之他
省土藥務飭各關卡嚴加巡緝不得再行運入庶一經禁運洋藥即可
永無餘孽此外各省如查有種煙確已斷絕並體察情形禁止洋土藥

入境不虞杆格難行者即由臣部接續商明英使按照條件辦理以期次第申禁早竟全功所有分省禁運洋藥先擇奉天等省商定辦理各緣由理合恭摺具陳伏乞皇上聖鑒訓示謹奏宣統三年七月初二日奉硃批依議欽此禁煙檔

中英禁煙條件

按照三年前中英政府訂定之辦法自一千九百零八年正月一號起三年之內如中國一方面能將土藥減種減銷英國政府允將印藥出口每年續行減運一成如是十年至一千九百十七年止今英國政府業經承認三年以內中國於減種一事立意誠篤且成效卓著英國政府願於未滿之七年期限內接續施行一千九百零七年所訂之辦法

是以再行商定各條如下

第一條 自一千九百十一年正月一號起七年之內中國每年減種當以英國按照此次條件及附件所載每年減運之數爲比例至一千九百十七年全行禁盡

第二條 現在中國政府對於土藥已定嚴行禁種禁運禁吸之宗旨英國政府深表同情且願贊助其實行贊助之法英國政府允如不到七年能有確實憑據凡土藥概行絕種則印度出口運華之煙亦同時停止

第三條 無論何省土藥已經絕種他省土藥亦禁運入顯有確據則印藥即亦不准進入該省惟言明廣州上海二口應爲最後之結束

務須俟中國政府盡行以上辦法始可將該口禁止印藥入口

第四條 在此條件年限內英國政府得派一員或數員會同中國政

府所派之員

如中國政府
願意委派

隨時就地考查減種情形其於此事所定減

種之多少應兩面認可

在此條件年限內當給與英員一員或數員一切利便俾凡通商口

岸以外所有限制煙土及徵稅事宜彼可調查報告

第五條 按照一千九百零七年所訂辦法英國政府應允中國派員

赴印查視售賣印藥惟言明該員不得干預今英國政府又應允所

派之員可查視印藥裝箱惟仍不得干預

第六條 中國政府應允所有中國出產之土藥徵收劃一之稅英國

清宣統朝外務部奏稿卷二十二
政府允將現在稅釐併徵之額數每百斤箱加至三百五十兩該項所加之稅與中國政府加徵於土藥上比例相同之稅同時起徵

第七條 此項條件准行後起徵新定稅釐併徵時中國應將各省憲所有在廣東等省近准行於印藥大宗貿易之各項限制及徵收各他項稅捐立即消除煙臺續增專條現仍施行自不應另行設立此等限制及他稅捐

又言明印度生土如釐稅並徵一次完清後在所進之口岸內全行免其輸納他項稅捐

若查得以上二節中所載有不照行之處則英國政府可將此次所訂條件或暫行停止或即行作廢

惟中國政府爲禁絕吸煙及整頓稽察煙土零賣事宜凡所已經頒布或將來頒布之法令不得因以上條款致其效力稍受阻抑

第八條 英國政府實爲襄助中國禁煙起見允自一千九百十一年起凡出口之煙印度政府於每百箱煙土報明運赴中國或在中國銷售者皆發給出口准單按箱編列號數

一千九百十一年內所發該項准單不得過三萬六百張後六年內計至一千九百十七年止每年遞減五千一百張

凡印藥出口時報明運赴中國或在中國銷售者於起運之前應將該項准單鈔交中國所派之員轉呈中國政府或轉交中國海關員英國政府應允每箱印藥凡領有該項准單者由印度政府所派之

清宣統三年四月十日
員黏貼印花若中國所派之員欲在場查視當照所請辦理
中國政府應允如此黏貼印花之印藥箱隻領有出口准單者如印
花並未破壞乃准其運入中國各口毫無留難

第九條 此次新定條件日後兩國彼此歷經考驗若有他故於七年
限內或將該條件全行刪改或但改數款均可隨時由兩國政府互
相商酌辦理

第十條 此次條件定於簽押日施行今由兩國大臣各奉本國政府
之命將該條件畫押蓋印以昭信守在北京繕立漢文四份英文四
份共八份

宣統三年四月初十日鄒嘉來押

西歷一千九百十一年五月初八號朱邇典押

附件

條件簽押日所有在通商各口岸存放關棧之印藥未經黏有印花者及積存香港之印藥未經黏有印花確係擬銷中國市面者由中國稅務司會同港屬官員及領事官等開單登記所有該項印藥務須一一標記完納稅釐一百十兩後即得在中國享受條約權利一與黏有印花者相同如此標記之印藥存積於香港者務於條件簽押後七日內裝運出口前赴中國口岸

自條件簽押日起兩個月內凡未黏有印花之印藥止准在上海廣州兩口起岸兩個月期滿後如中國政府業經商允各國則所有未

經黏有印花之印藥一概不准運入通商各口岸兩個月內所有在上海廣州起岸之無印花之印藥非爲本附件所載明之有標記之印藥當由中國海關開單登記該項印藥應即交納新定之併徵稅釐並由關管束不得轉運他口

除業經商定每年減運五千一百箱外英國政府現允於一千九百一十二年一千九百十三年一千九百十四年每年再爲減少其所減之數按照條件簽押日所查明存放關棧之無印花印藥暨香港存積之無印花印藥及條件簽押後兩個月內起岸之無印花印藥之總數合三分之一

宣統三年四月初十日鄒嘉來押

未盡典例

西歷一千九百十一年五月八號朱邇典押

外部致英使定期禁止印藥運入奉天等省照會

爲照會事本部奏請分省禁運印度洋藥擬從奉天等省先行辦理一摺業於本月初二日具奏奉旨依議欽此所有奉天吉林黑龍江山西四川五省擬卽定於本月十九日即西歷九月十一號爲實行禁止印藥運入各該省之期相應照會貴大臣查照見覆可也須至照會者七月初四日

英使覆外部照會認可定期禁止印藥運入奉天等省照會

爲照覆事本月初五日接准來文以本部奏請分省禁運印度洋藥擬從奉天等省先行辦理一摺業於本月初二日具奏奉旨依議欽

此所有奉天吉林黑龍江山西四川五省擬即定於本月十九日即西歷九月十一號爲實行禁止印藥運入各該省之期相應照會貴大臣查照見覆可也等因本大臣准此應代本國政府於貴親王所擬之期備文認可爲此照覆須至照會者七月初七日

外部致英使應照禁煙條件附件減少印藥運入箱數照會

爲照會事案查本年四月初十日即西歷五月八號中英簽字之禁煙條件其附件內開除業經商定每年減運五千一百箱外英國政府現允於一千九百十二年一千九百十三年一千九百十四年每年再爲減少其所減之數按照條件簽押日所查明存放關棧之無印花印藥暨香港存積之無印花印藥之總數合三分之一等語茲

據總稅務司報告先後查明條件簽押日存放各關棧之無印花印藥計九千六百八十七箱香港存積確係擬銷中國市面之無印花印藥計一千三百三十四箱簽押後兩個月內起岸之無印花印藥除四月初十日在香港登記之無印花印藥不計外四百三十八箱以上三起總共一萬一千四百五十九箱應按照條件之附件所載從一千九百一十二年三年內每年再減少運入中國之印藥合前項總數三分之一應於前二年減少三千八百二十箱後一年減少三千八百一十九箱相應照會貴大臣查照轉達貴國政府飭照辦理可也須至照會者九月二十五日

俄使廓致外部華商運貨請勿路過俄境照會

爲照會事本年六月二十九日准照開源豐茂商人等在哈爾濱買得洋酒雜貨等件搭載結普他特俄輪由松花江下駛到華地依勒嘎俄海關不准入烏蘇里江口等因前來當經轉達本國該管地方官查核去後茲據覆稱查烏蘇里江由通江子流入黑龍江其國界係過通江子而劃定此次禁阻華商貨物係在國界以北惟烏蘇里江及黑龍江於通江子以北全流均係俄境以內查現行稅務章程凡有外國貨物由某國運往某國如擬路經俄境其放行或禁阻均聽俄度支部之命令又查結普他特俄輪裝載華商之貨物均係在俄境內應納稅課之件仍按照稅務章程此項貨物不得路過俄境是俄海關實有權阻止該華貨經過祇准由通江子運行等情前來相應照覆貴爵大臣查照

可也須至照會者 七月初五日商務檔

鄂督瑞澂咨外部美孚行在宜昌城內售賣貨物與約

不符請照覆美使飭辦文

爲咨呈事宣統三年六月初四日承准貴部咨開宣統三年四月初六日准美嘉使照稱據駐漢總領事文稱本國商人前在宜昌城內售賣進口貨物地方官竟勒追釐金其故蓋以江岸卸貨處所爲商埠至宜昌城內則爲中國內地云查宜昌旣開爲通商口岸本國政府按照約章不能承認宜昌城內爲內地請速飭地方官將此無理爭執早爲退讓是所至盼等因查此事前准來咨當經本部函覆在案旋又准來函意在執約力爭以城口二字作城門之口解釋查講解條約向以洋文

爲準城口二字係指城鎮與口岸洋文原約所載甚爲明晰歷來爲此等問題與各使交涉既毫無效果應仍照本部前函婉拒美領冀可因應得宜免滋駁論相應咨行查照轉飭交涉使斟酌辦理並見覆以憑轉覆美使可也等因到本督院准此當經劄飭交涉司並湖北布政司宜昌關道會同具覆以憑核咨去後茲據兼署湖北布政司王壽彭試署交涉使施炳燮荆宜道監督宜昌沙市關吳筠孫會同詳稱伏查此案係因美商美孚洋行在宜昌城內開設分行銷售洋油欲將城內統作口岸不完半稅亦不完釐金此時欲解決是否應准免納稅釐必當先行考究約章以口岸處之城內是否准開洋行爲斷復查各國在中國通商因領事有裁判權不能照各國通例使各國商民遵我法律歸

我管理故居住貿易之處亦復設有限制不能如在別國可以散居雜處是以同治七年美國續約第一款即載明凡中國已經指定准美國官民居住貿易之地及續有指准之地或別國人民在此地內居住貿易等事第七款亦載明可在中國按約指准外國人居住地方設立學堂又光緒二十九年中美續約第三款美國人准在已開及日後所開各口岸所訂外國人民居住合宜地界之內均准賃買房屋行棧等又第十二款奉天盛京二處地方開埠通商訂定外國人民公共居住合宜地界又法約第十款奧約第九款亦均載明各口地方會同酌定法奧人合宜居住建造之地日本約第四款亦載明凡通商各口岸城鎮無論現在已定及將來所定外國人居住地界之內均准賃買房屋租

地起造照給與優待國一律無異又續約附件北京內城之外劃定界址開作各國商人居住貿易之所各國商民散居城內外者均須遷入界內均不得仍前散居各處又英國煙臺約第三端第一節各口租界作爲免抽洋貨釐金之界第二節新舊各口岸除已定有各國租界應毋庸議其租界未定各處應由領事會同地方官商議將洋人居住處所劃定界址嗣煙臺續約雖有第三端第一第二兩節所擬辦法現在議定兩國日後再行商酌之語然揣其訂約之後復欲再商者無非因第一節洋貨免釐僅在租界不能滿意其第二節因有已定各國租界應毋庸議一語礙其欲擴已定之界如上海一口英國本已早定租界乃至今一再圖擴不已則其命意所在顯然可見並非謂洋商在口岸

居住貿易不應劃定界址况光緒二十八年中英續約第八款已載有
不得在租界內徵收銷場稅之條該款第十二節更載明長沙萬縣安
慶江門開作口岸非得華官允准不能在該通商口岸之界內自設工
部局及巡捕則英商居住貿易之處必須定有界限更不待言其餘諸
國因商務無多俄則重在陸路大都援照各國已定辦法及准各國商
民通商之處一律准其居住貿易爲言是考諸英美法奧日本各約無
論約開口岸以及自闢商場凡洋商居住貿易必須劃定地界不能因
該地開作口岸卽可任意散處復考洋文各約所載其應指定議定居
住貿易界址之語與華文約所載均屬相符此最爲扼要關鍵未便置
之不論任其獨執城口字樣以爲違約雜居之計至江寧約華文係港

口二字英文係城鎮二字天津英約第十一款華文載城口二字英文該款上文言廣州等五處載城鎮通商係照江寧英文原約聲續下文所云現添之牛莊等處亦僅城與口三字細譯約意並參考事實城鎮二字果如各使解釋應作城內則當時廣州福州廈門寧波上海等五口擇定洋商居住貿易之地即應在於城內何以該五處洋商居住通商之地均在濱江臨海之處則洋文所謂城鎮係指該五處有城鎮之地方而言不解自明斷不能將城鎮二字強作城內解釋即如日本商約附件北京劃作商場之地載明內城之外考諸該約英文亦復相同各約果准城內通商自應亦如日約之詳切載明城內字樣今天津約華文載城口二字英文則載城與口三字所謂城者本有城內城外之

分既不如日約附件所載分別城內外字樣即不能因一城字舍城外而強作城內且縱如各使之硬欲以城口二字以城爲城內口係口岸曲爲分解亦不過指或城或口皆可通商而各約既載明洋商居住貿易之地必須指定界址亦只能或城或口酌定一處斷不能藉此無論城內外可以任意雜居置指定界址各約於不問况自道光二十二年與英立約通商以來所定洋商居住貿易之地皆在濱臨江河之處實因其便於設立碼頭棧房上下貨物蓋通商之初各國惟擇其便於營運故貿易之地各約皆注意近水之處近者更欲擴充貿易要素廣闊口岸之外復藉約文含混之處冀在口岸外以廣其設行之地殊不知解釋約文當互證參觀不能斷章取義同治元年英商查爾等欲藉津

約第十二款凡英國國民人在各口並各地方意欲租地蓋屋設立行棧英國總理各國事務大臣批示以謂此款必連上第十一款合看該款既限定只可於某某等口岸方准獲霑此等利益爾等呈請實無從得其情理云云上海工部局有案可稽尤爲解釋約章須統核全約之證今津約城鎮城口等字既不應強作城內解釋是以歷來各省關口通商亦從無城內開作商埠之事况照各約洋商居住貿易必須擇定地方指定界址只有日本馬關立約後之文憑載有四口准設專界之條實無准各國商民雜居之約且各國商民照約既須指定界址或准設專界則不應任意雜居更不待言如在口岸無論城內外皆可設立行棧則各約何必須指地界或設專界反覆推究理尤顯然此有約文可

憑有實事可證更無所用其強辯宜昌租界既擇定城外濱江之處即不能再在城內開設分行洋貨照英約只有租界免釐之條續約雖有再商之語而二十八年英約已定租界不能抽銷場之稅此即續後商定辦法是洋貨免稅免釐亦均只能在於租界之內現在調核洋文約章雖有城與口三字既未實在指明城內字樣洋商在口岸居處貿易照約又必須議定地界不能散處雜居則美孚之在宜昌城內開設分行抗免稅釐均屬違約而美使所說實爲索解不得太無情理此事若但就宜昌美孚在城內分設洋行言之似乎所失者不過一隅之事然不亟爲辯正則此後凡關口之處無論城內外皆可任意設行雜居較之擴充已定之界尤爲漫無限制實爲暗啟內地雜居之漸不僅稅釐

有虧治權侵損已也默察列強外交手腕不獨以得步進步爲事凡有所利不憚委曲繁難以求其至且每辦一事其機括必早伏於數年之前現既改良法律亟思收回裁判之權則茲事實屬利害相關萬不可不早爲杜漸防微之計惟既經領事詳於駐京大臣若再由外間與之商辦則領事惟駐京公使之命是聽斷不能允將該分行遷回城外並該貨運銷城內照完釐金非蒙外部力爲主持抱定各約向美使辨駁斷難使之就範會商意見相同理合具文詳細核咨等情據此本督院察核該司等所詳實爲至當不易之解釋除批示外相應咨呈貴部謹請查照按約力爲主持照覆美使轉飭遵照約章辦理施行

七月十三日
商務檔

外度商三部奏議結滇省隆興公司鑛案取銷原訂合

同摺

外務部度支部農工商部奏爲議結滇省隆興公司鑛案取銷原訂合同恭摺會陳仰祈聖鑒事竊光緒二十八年五月初十日臣部具奏遵議滇省鑛務章程一摺奉硃批依議欽此欽遵由臣部派員與法員彌樂石將議定雲南府等七處鑛務章程二十四款於是年五月十六日在臣部畫押並照會法英兩國使臣在案該章程內載法英兩國設立隆興公司糾集資本開採雲南澗江臨安開化楚雄元江永北七處鑛產雲南大吏允奏請國家給該公司承辦以六十年爲期限開鑛之股本不過關平銀五千萬兩公司事業虧累自行擔任與中國國家雲南大吏毫不干涉倘照辦時或有爭執應由雲南大吏法國公使英國公

使各派一員會議剖斷各等語嗣該公司履勘鑛產時啟爭端滇省紳民數次集會建議呈請廢約經雲貴總督李經羲與該公司商議承辦大宗借款興修滇路即將前項鑛約作廢意在籌邊弭患兩益交資惟雖經該省商辦多次迄無成說該公司代表高林士忽置借款修路於不議專就贖約一層要求酬款四百萬兩滇省僅允給一百萬兩遂致所議中輟高林士旋即來京經法英兩國使臣出而爭論堅請速定鑛案辦法即行議結臣等公同商酌借款關繫重大斷非可輕易成事此時若仍將路款並提彼必不肯續議不如就鑛約一節先與解決藉省軫轍經臣部電商雲貴總督亦以路鑛分辦爲然當由新任雲南布政使高而謙秉承臣部度支部籌擬應付方法與該使臣等晤商多次竭

力磋商議定由中國以庫平銀一百五十萬兩給與隆興公司取銷原訂合同其款分作六期歸付每期付銀二十五萬兩第一期一月內歸款餘五期每六個月交一次所有該公司暨分公司一切產業物件均交還中國永與該公司無涉款項由度支部墊給滇省分十年陸續歸還業經臣部照會法英兩國使臣聲明作據該使臣等均先後照覆允認備案伏維滇省幅員寥闊鑛產之饒久有著聞近日該省屢議集款開採祇以隆興成約在先一有設施動多牽制而該省紳民亦時以原定合同範圍太廣引爲隱憂現經該布政使相機因應得將原約議廢庶可消除宿案永斷葛藤嗣後仍應由雲貴總督隨時鼓勵該省紳商將一切鑛產實力籌辦務期成效昭著款不虛糜以闢利源而興實業

除電該督就近確查該公司如有物產即派員妥爲收回外所有臣等議結滇省鑛案緣由理合恭摺會陳伏乞皇上聖鑒再此摺係外務部主稿會同度支部農工商部辦理合併聲明謹奏宣統三年七月十四日奉硃批依議欽此鑛務檔

外部咨稅務處及甘督長庚甘肅受三聯單影響收稅

寥寥希飭津海關整頓文

爲咨行事宣統三年七月初九日接准陝甘總督咨稱據甘肅洋務總局詳稱案准清理財政局移開准監理官面稱甘省出境土貨以皮毛爲大宗而每年所收稅捐寥寥無幾推原其故全受三聯報單之影響自洋商由海關領三聯報單入甘肅買土貨換運單沿途經過局卡盡

皆查驗蓋戳放行內地奸商希圖免稅假冒影射兼脚戶包攬夾帶至
聯單內雖載明中途變賣貨充入官查豐臺並非海關卸載出口之區
而運單往往填運至豐臺並有運至山西交城包頭及東口關各處多
宗既非海關何從納稅其爲奸商影射偷漏無疑此種弊竇不知海關
稅務司曾否預防甘省每次送到聯單曾否挨號依限稽查向來洋商
領單買貨俟至海關最後子口納稅今三聯報單買貨不赴海關顯違
約章自應將稅章會議酌改擬請咨商外務部照會各國嗣後洋商領
單買貨抵第一子口卽照海關子稅完納由第一子口查驗收稅換
給運單庶偷漏影射之弊再無從施其技倆如海關或以子口減收爲
詞卽請將海關所收抵關繳護照之貨色應完子口稅之數目彙咨甘

省由甘省照數批解海關歸款亦無不可然此係就洋商買定之貨而言若貨未經洋商買定以前仍屬內地商民之貨應令該商民照內地稅則先行納稅等語是否可行移請核辦相應據情轉詳核咨等情咨請核覆等因前來本部查洋商入內地購買土貨請領聯單必須填明貨色件數指運口岸方免影射夾帶沿途洒賣等弊若如所稱多有運單填運至豐臺及山西各處者實屬與約章不符西北各省聯單大抵皆由津海關發給換運單時填寫字樣即照聯單究竟該關所發聯單是否填明指運口岸抑或所填指運之處有非通商口岸者以及收回各處送到聯單曾否挨號稽查亟應飭知該關認真整頓以杜流弊至所擬照會各國酌改稅章將向來至最後子口完稅辦法改爲在第一

子口完稅事關改正條約非一時所易辦到且洋商完稅事宜向歸海關經管今遽令在內地局卡完稅恐各國亦必不照允其未經洋商買定之貨或令商民完納出產稅自與聯單無涉惟明知其與洋商交易先令繳納稅捐此等情事往往亦起交涉頗煩辯論是在地方官吏能籌妥善平允辦法使商民自願輸將方不致外人藉口出而干預除咨

覆陝甘總督外相應鈔錄原文咨行貴處查照即飭

稅務處轉飭津海關將聯單辦法認真整頓

津海關將聯單辦法認真整頓
遵可也七月十六日稅務檔

和使貝致外部准照稱陸徵祥調使俄國劉鏡人使和

已轉達文

爲照會事准貴親王照稱宣統三年七月十四日奉上諭出使俄國大

臣著陸徵祥調補並賞加侍郎銜欽此同日奉上諭出使和國大臣著劉鏡人補授欽此欽遵照會前來當經本大臣轉達本國政府在案惟陸徵祥在和辦事才學甚好人性亦甚和平久爲本政府所佩服此次簡調使俄諒本政府定必惜之相應照覆貴親王查照可也

七月十九日
出使和國檔

吉撫陳昭常致外部圖們江設渡事已飭查遵辦電

洪圖們江設渡一事頃據東南路道電稱業與日總領事商議南坡溝口即舊有稽查處向有官渡彼國添設者係由洪鏡洞對岸之船移來故令飭回原處以免分我官渡之利其下游稽查處渡口之船係前經日員齋藤新設去年收回改作官渡此處現議各岸互設一船似尙無礙望泮灘對岸之渡已令撤去惟查公使函內沿江韓渡共有三十四

處之多殆全舉雜居區外渡船及韓民渡江耕作私有之船而言已飭沿江各處詳查再行遵照部示酌量辦理等情知關厪念謹先奉聞昭常謹肅敬七月二十四日延吉邊務權

使美張蔭棠致外部墨西哥菜苑華人被害墨總統允
緝兇賠償電

洪菜苑華僑報斃命三百三人財產七十餘萬現復分查各省共三百餘案人命二十名內八名係土匪所害財產二十餘萬總計以革軍報告華人先開鎗一事爲詞面商特派專員赴菜會查棠派歐陽庚律師華商同往查明華人確無先開鎗事委係革黨有意圖殺各國官商均簽名作證二十一日見總統謂已派員緝兇懲辦當將辦法備文詳報

貴政府惟償財命不能照報紙宣傳之鉅款已飭外部與貴大臣秉公商定實數交議院核准撥給等語嗣據外部謂菜苑華人被害不過三百三名財產損失只二十餘萬自當照實償恤以昭公理因詢中國擬索償若干棠原擬遵庚電參考各國成案折中每命索償二萬五千元但財產則歸墨廷所派籌辦賠款署委員斷理惟據外部所言又慮華僑報有不實棠意此案重在辦兇少安華僑索款過鉅徒生墨人惡感現擬核實持平將人命財產一併索賠總數與墨廷直接交涉了結免致逐案挑撥償恤無期應索數目若干仍乞蓋籌示遵再此案律師酬金訂扣賠款二成財產五百以下成五棠漾七月二十四日華僑檔

東督趙爾巽致外部中日議定京奉鐵路協約文

附協約

爲咨呈事案據署奉天交涉司使許鼎霖呈稱案照宣統元年七月二十日在北京中日議定東三省交涉五案第五款內開京奉鐵路展築至奉天城根一節日本國政府允無異議其應如何辦法可由該處兩國官憲及專門技師妥爲商定等語奉外務部咨行到奉當經鄧前司邦述照會駐奉日領及呈奉前憲臺錫咨請郵傳部彼此各派專門技師在奉開議日領等初則要求我線平過南滿鐵路再由該處展至城根成一曲線形不特紆遠難行即由南滿平行橫過旣多危險又恐一經過軌彼車可直行我路尤復多所窒礙經鄧前司等一再駁詰始允京奉線可一直展長於橫過南滿線之處准搭造天橋一切橋梁尺寸工程辦法均經議定詎日領等忽提出南滿與京奉新車站聯絡之事

鄧前司等以按照協約並無聯絡之明文堅拒不允彼云已由日本外部交日使向我郵傳部議商議遂中止此宣統元年十二月間之事也乃提歸部議後彼此一再駁詰仍無就緒稍一遷延閱時兩載而南滿東清兩線相接既成歐亞通衢西國官紳往來不絕東省適當其衝則中站距城十餘里尤須繞過南滿羣稱不便當奉前憲臺錫先後電請外務部郵傳部速向日使議定以便行旅去後嗣奉飭交郵傳部鈔轉外務部函開京奉展線係遵條約辦理決難延擱日使一再要求南滿與京奉聯絡之事本部爲便利行旅起見另設一線以爲聯絡亦無不可但須聲明俟展築直線竣工後再由京奉自行添築聯絡線專歸京奉使用其詳細條款由東省及京奉路與南滿鐵道各派委員技師會

同商定等因當奉憲臺電請郵傳部飭派專門工程師孫多鈺來奉會同韓前司與日派技師掘三之助暨駐奉日領在奉提議韓前司未及議定卸事本署司接准移交即經一再會議日領仍主曲線辦法再三駁拒始承認兩線交叉之處准令南滿改造天橋將線路提高使京奉延長線由橋下通過其由南滿站至奉天城根京奉站之間由京奉路添設一聯絡線此項聯絡線在南滿界內者其建造費由南滿擔任在京奉界內者則歸京奉自造惟南滿改築天橋提高線路所需經費日洋二萬四千元應由京奉路支出所有各項工程辦法按照另定工事方法書及圖內紅線指定者爲准至南滿應行添築工程限於本約簽字後三個月內完工各等情均經本署司與孫工程師多鈺分別請示

憲臺及電稟郵傳部允准照議即於本年七月初十日會同簽字蓋印彼此交換以資遵守又京奉與南滿舊聯絡線內其南滿車站附近有南滿之交叉線一條京奉車輛往來通過殊多窒礙亦經本署司等商令南滿另行改築一並行獨立線以資便利當據日派技師掘三之助允爲照辦業由本署司另函南滿會社運輸科長田中清次郎速即改築除由孫工程師多鈺帶同圖件並將一切議擬情形面稟郵傳部暨簽定正約及圖各一份存司備查外理合將奉飭會議京奉鐵路展造至奉天城根一案已經議定協約清摺一件圖兩件轉呈等情據此本大臣覆核無異除將簽定協約及圖分別互換備存暨分咨郵傳部外相應鈔件及圖咨呈鈞部鑒核備案須至咨呈者八月初二日京奉鐵路檔

附鈔京奉鐵路延長協約清摺

清國政府照宣統元年七月二十日即明治四十二年九月四日清日兩國在北京所定協約第五條將京奉鐵路由瀋陽停車場展至奉天城根現由兩國委員商定實行辦法如左

第一條 日本國政府允令南滿洲鐵道株式會社將南滿線與京奉延長線交叉處之南滿鐵道線路提高建橋使京奉延長線由橋下通過

該延長線路按照所附第一號圖內朱點線辦理其城根之停車場當設在小西邊門北方一英里以內之地點

第二條 清國政府允令京奉鐵路總局在京奉鐵路奉天城根停車

場與南滿鐵道現在之奉天停車場間敷設一直接聯絡之線路以供行車便利

第三條 第一條之延長線與第二條之聯絡線當遵照另紙工事方法書內所載之方法辦理

但第二條之聯絡線中其屬於南滿鐵道奉天停車場界內線路當由南滿洲鐵道株式會社爲照第二號略圖將南滿鐵道施工基面築高並新築橋梁起見須造暫用軌道所有第一條第一項及本條工費共計日金二萬四千元於以上各項工程落成之時由京奉鐵路總局交付南滿洲鐵道株式會社

第五條 第三條及第四條所載工程限於本協約簽字後三個月內

完工俾不誤京奉鐵路行車

第六條 京奉鐵路至奉天之列車有必須與南滿鐵道聯絡者（例如快車通車）須先經過南滿鐵道奉天停車場再由聯絡線達於京奉鐵路奉天城根停車場開行之列車有必須與南滿鐵路聯絡者亦先由聯絡線經過南滿鐵道奉天停車場

但專車貨車及與南滿鐵道無必須聯絡之列車均不在此列

第七條 關於聯絡線列車轉運及通信信號等之事須均照前定南滿京奉兩鐵道聯絡協約辦理如果京奉南滿兩鐵道關於此等事項以後有變更之時應由兩鐵道互相協定

第八條 前定之南滿京奉兩鐵道聯絡協約不因此次協定有所變

更

本協約以中文日文各繕四通清國郵傳部奉天交涉司駐奉日本總領事館南滿洲鐵道株式會社各存一份爲據

宣統三年七月初十日明治四十四年九月二日

清國奉天交涉使許鼎霖清國郵傳部特派工程師孫多鈺 在奉天日本總領事小池張造南滿洲鐵道株式會社工務課長掘三之助

附鈔工事方法書

關於京奉鐵路延長協約第一條第二條第三條所載京奉展線橫斷南滿鐵道一切工事方法當按照左開各項辦理參照第二號圖

第一 京奉線橫斷南滿線路之處擇定南滿鐵道大連起點二百

四十九英里三十五鎖附近馬路橫過南滿鐵道處

第二 京奉線橫斷南滿線路之處使京奉延長線及聯絡線在同
一之施工基面自現在南滿鐵道線路施工基面下掘約七英尺

第三 現在橫過南滿線路之馬路應與線路同移橋下以修接完
全爲要

第四 京奉線橫斷南滿線路之處爲南滿鐵道將本線現在施工
基面提高約十四英尺新設橋梁工作期內可於本線西面建造暫
用軌道

但暫用軌道於橋工告竣時一律撤去

第五 京奉線橫斷南滿線路之處新設約四十五度之斜橋一座

共三洞每洞徑間三十英尺其偏北二洞供線路之用其南一洞爲通過馬路之用其鐵路軌面至橋桁下端之高度須十六英尺六英寸以上其餘徑間一切工事均須與京奉南滿兩鐵道建築定規無所抵觸

第六 前項橋梁爲預防煤火石塊油脂污水灰塵等飛散墜落起見須用堅固之鐵板妥爲遮蓋

第七 本書所附之圖略示設計之大概將來建築時如須稍有更易之處當由京奉南滿技師隨時商辦

外部致粵督張鳴岐德外部允改華工苛例請准在粵

先招一批電

申薩島招工事前據林領事申報正與島督商改苛款嗣後接梁大臣來電以外部照覆准華工有上控權並增入二條一華人與歐人平等相待二除鞭撻刑請准續招彼既刪苛例我似應顧全交誼並准德哈使面稱外部既允照新章辦理舊章苛例自己廢除該島需工甚急請電粵督照准各等語此事大端辦法既經梁使與外部商定所有詳細款目仍飭林領與薩督接議即希尊處准予先招一批就近與德領商辦以後情形仍視林領報告酌定並電覆外務部

八月初三日薩島招工檔

郵部奏展築京奉路線磋商就緒議定辦法摺

郵傳部奏爲展築京奉路線磋商就緒議定辦法各情形恭摺仰祈聖鑒事竊查京奉鐵路之瀋陽車站與奉天城根尙距二英里有半客貨

往來諸多周折是以光緒三十三年臣部收回新奉鐵路改造寬軌即議展築至奉天城根惟須越過南滿鐵路因擬建造天橋辦法咨由外務部照商日使以有礙南滿鐵路未允嗣於宣統元年七月二十日中日兩國在北京所訂了結東三省交涉各案協約定議後即由臣部派員會同奉天交涉司按照該協約第五款內開京奉鐵路展造至奉天城根由該處兩國官憲及專門技師妥爲商定等語與日本總領事商議日領請留前築聯絡線並要求添築曲線由南滿車站斜達城根經該委員等堅執直線之說與之相持日人已允照辦訂期簽字忽又要挾多端涉及協約以外礙難應允因暫停議旋准東三省總督電稱日領來言伊外部已將此事交日使向外務部議商等因嗣准外務部迭

次函稱日使仍執前說欲以展線聯絡兩事並議本年三月復准外務部咨據日使照送重擬展線辦法並附圖樣送部核辦當以按照所擬圖樣不獨工艱費鉅且據地勢而論即使行車恐多危險事關工程擬派工程師會同日技師前往勘視再行核定咨由外務部照覆日使允即照辦遂由臣部派工程師孫多鈺會同署奉天交涉使許鼎霖與日領事日技師在奉天會議日領始猶堅執添設東曲線以爲聯絡南滿及京奉車站之用孫多鈺等則主西曲線爲聯絡並曉以擬請歐美技師公斷藉杜其口一面與其提議略改路線變通造橋彼猶未允嗣經互相測量磋磨累次始稍就緒並由許鼎霖孫多鈺等與日領事擬定協約八條呈部候核查其所擬大旨係南滿線與京奉延長線交叉之

清宣統三年八月六日奉旨依議欽此京奉鐵路檔
處由南滿會社將南滿鐵道提高建橋南滿車輛由橋上越過京奉車
輛由橋下平過京奉鐵路與南滿車站聯絡處原有曲線仍留外僅於
交叉之處添設一聯絡複線彼此分界建造管理惟南滿改築及建橋
需費估值日金二萬四千元應由京奉路局給予補助至京奉車輛必
須經過南滿車站者則以快車通車爲限一切辦法詳核尙無窒礙因
飭許鼎霖孫多鈺在奉簽定除將該協約及路線圖工事方法書鈔咨
外務部暨東三省總督查照並飭京奉路局按照該協約與南滿鐵道
會社接洽展築外所有磋商京奉鐵路展線辦法緣由理合恭摺具陳
伏乞皇上聖鑒謹奏宣統三年八月初六日奉旨依議欽此京奉鐵路檔

郵部奏查明湘鄂路工暨股捐各款情形摺

郵傳部奏爲派員查明湖南湖北路工暨股捐各款情形恭摺仰祈聖鑒事竊臣部於本年七月二十一日具奏派員前往湘鄂勘路查款一片奉旨知道了欽此當即欽遵分別辦理去後經該員等先後稟覆前來據赴湘委員呈稱粵漢鐵路在湘省境內計長一千二百餘里路線先經合興公司勘定約須工費二千八百餘萬兩另須籌還贖路借款本息及未贖回之美國金元小票利息湘攤七分之三約需銀五六百萬上年四月間開築長沙洙洲一段長一百五里如改良鑿洞辦法年內或可竣工通車其收支款項自光緒三十一年二月開辦起截至宣統二年七月底止除去息借周轉銀五十九萬三千餘兩不計外計收入優先股銀元一百七十二萬餘元合之租股及米鹽雜捐三佛枝路

餘利折合銀共三百八十五萬六千五百九十二兩八錢四分計支出
付還本息及工程各項費用銀三百四十八萬七千四百八十七兩五
錢九分收支兩抵現實存銀三十六萬九千一百二兩五錢五分至其
集股收捐之法分爲六宗一爲湘民認繳之優先股一爲隨糧帶徵之
地方租股一爲出境米捐一爲衡永寶三府准鹽溢引之配銷捐一爲
本境行銷食鹽加價之口捐一爲供差員薪派捐股票近由諮議局議
決者二宗一爲累進股係按原有租股層遞加徵一爲房租股係每年
派捐一月房租入股是其正式股款祇有優先股之一百七十二萬餘
元確係商築性質其餘各項派捐或先經奏准或甫經議定雖皆有案
牘可稽實皆涉於懸擬復據赴鄂委員呈稱鄂境川漢路線前由官局

勘明計一千七百餘里約需工費銀元六千萬元又鄂境粵漢路線前
由官局勘明五百餘里約需工費一千六百萬元皆尙未實測興工所
有以前官籌之款收支兩抵現存三十餘萬兩上年冬間湖北紳商設
立勸股協會日前據報繳股銀元九十六萬四千二百餘元祇驗得漢
口大清交通銀行存有六十三萬二千四百餘元工既未興款僅得此
商民之力已見一斑各等語臣部詳加考覈均屬實在情形所有派員
分赴湘鄂查明路工款項緣由理合恭摺具陳伏乞皇上聖鑒謹奏宣
統三年八月初六日粵漢鐵路檔

英使朱邇典致外部繕送中英在奉議訂英美煙公司

納稅辦法照會

附照會暨章程

清宣統朝外交史料卷二二四
爲照會事英美紙煙公司一事本年四月十八日承准覆文以奉天交涉使與本國總領事所議英美紙煙公司在奉所製之紙煙納稅辦法七條均允照辦且貴親王請本大臣轉飭該公司遵照等因前來查此後交涉使又與總領事復商將辦法中字樣稍有更改並於閏六月二十八日照會英總領事稱所有更改之辦法八條稅務處已經照允等語茲本大臣將更改辦法繕寫一分附送貴部存案又查按照前文所述之語該公司在中國十八省所設之各廠自應仍照滬漢辦法辦理並希見覆可也八月初六日稅務檔

附奉天交涉使司許鼎霖致駐奉英領事照會

爲照會事案照英美煙公司納稅辦法各條業奉稅務處核准並經

本司以互字三九號公文照會貴總領事查照辦理嗣准貴總領事來函以奉欽差大臣覆稱第二第四兩條酌量更改等因准此當經照錄全章程呈請督憲核咨各在案茲奉督憲札准稅務處咨以英使請改各條核與原文語意無甚出入應予照准立案等因轉飭到司此項條件應即訂定作爲該公司專章相應鈔錄全章照會貴總領事查照煩即轉諭該公司遵照辦理須至照會者閏六月二十八日

附英美紙煙公司製造運銷煙捲納稅辦法八條

一東三省商埠既多距離又近中間並無釐捐局卡與滬漢情形不同今擬該公司所製煙捲由奉運至三省商埠在出廠時每百斤一次完納稅銀一兩另給印照以便該貨無論在華洋商人手內所有

沿途及商埠內各他稅捐一律不再重徵每百斤照英斤一百三十三斤每稅銀一兩按照海關銀兩爲准

二運至三省商埠外無論在華洋人手內仍照各省章程完納內地稅不得違抗不納

三該公司煙捲由外埠進口而非在奉天製造者運至三省商埠若已完過正稅應照向章完納半稅如無完納憑據即應認罰

四該公司所製煙捲若由奉運至東三省以外之各他省必須預先報明照滬漢辦法在出廠時每百斤完納正稅銀四錢五分另給印照如貨物運至通商口岸沿途各地稅捐到指運之通商口岸後再納半稅如運煙至內地應逢關納稅遇卡抽釐

五英國他商運銷煙捲赴東三省各埠非在奉天製造者仍照向章繳納稅款不得援此爲例

六該公司在東三省收買土產原料仍照三省從前及將來定章辦理不得因此邀免

七將來煙捲通行稅率更改時此項辦法亦應查照隨時增改以期一律

八但嗣後中國政府對別國商人有輕減稅率時該英美紙煙公司亦應有均霑之利益

奉天交涉使許鼎霖呈外部丞參日人在鴨綠江造橋

日領援滿洲里辦法應否照准請示函

卷查日人在鴨綠江我國流域內架造鐵橋一案前經韓紫翁任內與駐奉日總領事議定條款四項其一按照各國通例國境換車一事俟協定滿韓鐵道聯絡業務時彼此妥商其二允中國在鴨綠江西岸設關稽查火車其細目則日後協定各等因在案現在鴨綠江橋梁不日告成前據駐奉日領來司要求其一擬援照法義先例及滿洲里成案准其火車通過其二亦擬仿照滿洲里辦法其火車到境時由中日兩國稅司會驗一次以免阻滯車行等情前來查滿韓鐵道聯絡業務渺茫無期國境換車本屬各國通例惟日領援引法義先例及滿洲里成案爲詞究竟法義兩國有無特別規定章程及會驗一層有無流弊應否照准當經稟明督憲分函鈞部及稅務處請示去後未奉示覆茲據

日領一再催覆謹請回明堂憲核示辦法並費神飭查法義有無特定專章見寄一份以憑辦理鼎霖八月初八日鴨江建橋檔

義使斯致外部義士不得已交戰請查照照會

爲照會事本大臣頃接本國政府命令特爲通知貴國政府查非洲泰波利登及喜奈格二處現勢久在貴國洞鑒之中此項交涉義國與土耳其討論甚久歷次會商均有可以破壞之勢然足能相持至今者亦足徵義國政府之欲以平和方法爭曲直也不料局陣日趨日壞致令此後之會議匪獨無益且甚危險焉義國猶顧全大義不驟持必要之辦法以直行其保衛國光與其人民權利安謐之義務是以有最後之陳述於土耳其政府之前欲先佔據泰波利登及喜奈格二處再擬終

結辦法無如此舉又歸無效則義國政府萬不能不以兵戎相見以求
達其目的故義國現與土耳其已成交戰國其宣戰書已正式照會土
耳其政府矣義國政府按照一千九百零七年十月十七號海牙萬國
公訂第三條約布告貴國政府義國政府此次欲達之目的不獨與凡
居留此二處各國人民之利益有關繫實與文明進步利益亦有關繫
深盼能達此目的使此不毛之土能經義國政府設立一自由之機關
令各國人民發達一切經濟於其上想爲全球國民所共表同情者也
特此照會須至照會者 八月初十日雜項檔

粵督張鳴岐奏詳陳廣東息借洋款情形摺

兩廣總督張鳴岐奏爲詳陳廣東省息借洋款情形恭摺仰祈聖鑒事

竊查本年五月因收回粵路有人倡議不用官發紙幣紛紛持票領銀牽動市面經臣電奏向外國銀行訂借現款五百萬兩以資周轉由外務部度支部議准覆奏奉旨俞允欽遵在案嗣後電准度支郵傳兩部先行撥借銀三百萬兩以救危急一面督飭藩司勸業道向外國各銀行妥爲商借計向日本臺灣銀行一次訂借日金六十萬元年息六釐還期以二年爲限二次訂借日金一百萬元年息六釐還期以三年爲限以廣東省歲收小押餉硝磺餉四十五萬兩作擔保又向英國滙豐法國滙理德國德華三銀行共訂借港紙五百萬元年息七釐還期以五年爲限以廣東省歲收釐金二百四十萬兩爲擔保臺灣銀行借款皆無用費初次且無擔保滙豐等三銀行借款則每萬元僅給用費二

十五元且須俟分次還款時始按應還之數核算付給均經妥訂合同分別簽押按期收款以上綜計借入日金一百六十萬元港紙五百萬元約合華銀五百萬兩之數臣查此次粵省因收回路事奸民構煽抵制官發紙幣紛紛持票領銀一日達數十萬市場危險不可終日東省官銀錢局歷年發行鈔票所收票本分存銀行銀鋪原無虧空然咄嗟之間欲提還以供應付則數鉅期迫必致牽動商場損害甚大故爲保全市面起見寧息借外款使官局受一時之虧而決不敢勒提票本貽商場莫大之累且借款本息將來可由官銀錢局在餘利項下歸還既可保市面之安寧又不遺人民以負擔實爲兩全之策至本年籌抵賭餉不敷之一百九十餘萬兩查照諮議局初次議案亦應由官虧暫行

籌借先經臣將詳細緣由奏報有案當此財政奇絀自非速行籌借無以接濟要需現將借款港紙四百萬元撥歸官銀錢局以爲償還部款之需又港紙一百萬元日金一百六十萬元撥歸藩司衙門以抵賭餉不敷之數局用者既擬由餘利填還固非期月之間所能有此餘利司用者或屬國家行政經費或屬地方行政經費亦須列入預算俟資政院諮議局議決後方能分別籌還均不能不稍需時日故歸還之限訂立稍長俾有迴旋之餘地此則借款分撥之數與還期稍寬之理由也除將合同鈔呈外務部度支部查照外所有粵省息借洋款各緣由理合恭摺具陳伏乞皇上聖鑒謹奏宣統三年八月十一日奉硃批該部

知道欽此借款檔

外部覆義使斯義土宣戰緣由業已閱悉照會

爲照覆事宣統三年八月初十日接准照稱頃接本國政府命令茲因泰波利登及喜奈格二處現勢與土耳其交涉甚久屢歸無效義政府萬不能不以兵戎相見以求達其目的故義國現與土耳其已成交戰國其宣戰書已正式照會土耳其政府矣義國政府按照一千九百零七年海牙萬國公訂第三條約布告貴國政府查照等因本國政府業已閱悉相應照覆貴大臣查照可也須至照會者八月十二日雜項檔

理藩部咨各路將軍大臣義土交戰希飭遵守中立電

爲通咨事宣統三年八月初十日接准駐京義斯使照稱義國因泰波利登暨喜奈格二處現勢與土耳其政府交涉甚久屢歸無效現與該

政府已成交戰國其宣戰書已正式照會土耳其政府矣茲奉本國政府命令具文布告貴國查照等語除由本部照覆外相應鈔錄來往照會咨行貴衙門查照並希通飭一體遵守中立可也須至通咨者理藩部嘯八月十八日雜項檔

外部咨稅務處日使請勘瓜州至清江浦水標希飭會

勘文

爲咨行事前准日本伊集院使來照以江蘇省鎮江對岸瓜洲至清江浦之大運河有日本商民經營航業每屆夏季水量增漲中國官恐損害隄岸常於六七月之交禁止小輪航行本國領事要求中國地方官均漫不加意宜測定各港因行輪而損傷隄岸之增水標準此後每年

增水程度達此標準時即可禁止小輪行駛由兩國該管官員會同實地查勘再行議定以期早結並謂按內港行輪續約須由地方官與日員交涉經認爲確有妨礙始禁日輪通行且停止命令當由日領頒發中國官不能直接禁止堅請會同日領勘定水標各等情嗣經本部商明以此項水標應由中國自定原有標識可飭稅務司派專門人員重行驗勘倘有不合由稅司自行酌改通知各領日領如見其中實有錯誤不妨詳具理由以備參考嗣後每年水到標識即由華官禁止等因電致江督查核辦理去後現准咨覆稱據鎮江關道詳稱卷查瓜洲圩岸自頂至底高止一丈六尺前定揚子橋誌椿水至一丈二尺五寸即合關前誌水木尺十三尺一二五爲小輪停進瓜口標準係經前稅司

飭派理船廳勘定至淮陽運隄爲下河十數州縣保障前據地方官稟定以高郵玉碼頭誌椿水至一丈二尺小輪即應停駛歷年均照辦無異現函致稅司戴樂爾查照飭派專門人員前往重行查勘繪圖貼說覆道議辦並札調駐揚彈壓小輪委員來鎮會同稅司所派洋員前往察看旋准稅司函稱本關理船廳於江面情形雖稱熟悉惟於內河隄岸及繪具長隄形勢圖說並非素所專長須稟請稅務處札飭總稅務司轉飭巡工司遴派專門人員來鎮會同委員前往沿隄查勘庶幾長隄數百里如何危險可以指證明確至專門人員到鎮後自應雇輪前往但此項費用非奉總稅務司札飭在何款項下開支本稅務司實無可以任意動用之款等語祈轉咨飭派專門人員來鎮會同委員及地

方官前往淮揚沿河陽隄岸逐細查勘水勢以憑核議等情咨請辦理見覆等因前來本部查此項水標日使屢以應與日領會勘爲言迭經辯論在我自應遴派專門人員重行勘驗庶可杜其藉口相應咨行貴大臣查照札行總稅務司迅飭巡工司選派專門人員前赴鎮江會同委員暨地方官詳加勘定以免藉口並希見覆可也八月十八日航務檔

使日汪大燮致外部義士戰事日諭臣民嚴守中立電

洪義士事日本惟敕諭臣民嚴守中立避一切不相容之行動其條款載在法規者此次並未宣布云又英使竇納樂前日赴東三省察視乞

告次帥燮皓

八月十九日雜項檔

清宣統朝外交史料卷二十二終